

龍門志

天下

也龍

自夕

浮翠

於海

河北大學圖書館 編

河北大學圖書館藏
稀見方志叢刊

國家圖書館出版社

河北大學
圖書館藏

河北大學圖書館 編

河北大學圖書館藏稀見方志叢刊

8

國家圖書館出版社

第八册目錄


【乾隆】獻縣志 不分卷	一
【嘉靖】興濟縣志書 二卷	六三
【康熙】廣昌縣志 八卷首一卷	一九五

甲辰

敵

縣

志



歷代沿革表

唐 於九州 屬冀

虞 於十二州 屬冀

夏 於九州 屬冀

商 於九州 屬冀

周 於九州 屬幽

七國 屬燕

秦 屬齊郡 上谷二郡地

漢

樂成 河間國王都冀州部刺史所領

中水

阿武 並隸涿郡

建成

成平

景成 並隸渤海郡二郡皆幽州部刺史所領

東漢省阿武景成建成三縣

樂成

中水

成平 並屬河間王國

魏 晉 趙燕秦附

樂成 或作樂城

中水

成平 並屬河間王國

隋 省中水成平增景城

樂壽 即故樂城初改為

景城 本漢故縣此名

初並屬瀛州後並屬河間郡

後五代

樂壽 屬深州

景城 屬滄州

金 增州

獻州 河北東路所領

北魏

樂城

中水 並屬河間郡

成平 屬章武郡二郡並瀛州部所領

唐

樂壽 初屬瀛州後改屬深州

景城 初屬瀛州後改屬滄州二州並河北道所領

宋 後省景城

樂壽 屬瀛海軍

景城 屬滄州並河北東路所領

元

獻州 河間府路所領

樂壽縣屬獻州

樂壽縣屬獻州

明省州

獻縣屬河間府

國朝

獻縣屬河間府

輿地志

星野

明一統志河間禹貢冀州之域天文箕尾分野

留侯分野云在邱交河獻縣入尾十六度其分在糠星之下魚星之東南

望青田分野細測云交河獻縣任邱阜城入尾十七度其分鄰於尾十八度西

按劉青田分野主日躔黃道留侯分野主二十八宿然留侯之書乃術家偽托即青田細測前人亦譏其分割太詳反多牴牾也

沿革

獻之一邑。古州國交錯之區也。冀堯幽既茫昧而難辨。燕趙齊復混淆而易惑。而據周禮斷以為幽。據春秋史記斷以為燕。前既詳哉言之矣。至於秦漢以來。紛紜益甚。或區為六。或省為三。又併為二。分屬上谷齊郡。領於冀。領於幽。領於渤海。別為章武。或西隸深定。北隸涿東隸滄。昇而為州。降而為縣。以百里之區。適當盤錯輳轄之界。宜其并分割附。變易無恆也。獨是漢河間立國。本都樂成。則今獻邑東南。正古王封之地。自北魏移郡武垣。而河間之名。載隨郡治俱北矣。後人習近忘遠。執今號以蔽初疆。此考古者所為慨息也。若夫獻稱始金事出晚近。乃或舉春秋之獻以相附會。則又烏足致辨與。

國朝敕定府州縣繁簡缺分邑為衝疲繁難最要缺

周

周制異於夏殷周禮職方九州有青幽并而無徐梁營蓋省徐而入青
兗襄營以附幽青也按兗之川曰河洑幽之川亦曰河洑是二州之境
相接故或以邑為兗屬然兗遠而幽近又考幽州之澤藪曰獫狁疏曰
獫狁在長廣縣屬徐州周時幽州南侵徐州之地據此則周之幽非虞
殷之舊而南之所拓廣矣故邑境當屬幽州也

周末七國

按春秋傳納北燕伯於唐注以唐為燕之別邑漢因以置唐縣春秋後
語云燕有屠壽屠今之故城也史記燕世宗莊公十七年齊桓公伐山
戎還燕君送出境桓公割所至地予燕正義曰燕留故城在滄州因齊
桓所割地築此城故名據此則燕之南境東起滄州經故城西至唐縣
邑境固包舉其中矣其後趙孝成王十九年與燕易土而葛武陽平
舒乃入於趙然至燕王喜十二年趙使李牧攻燕拔武遂武遂今武強

猶在邑西南是邑之入趙與否尚未可知戰國之末攻奪不常出此入彼都非久據河間為燕趙齊三國交錯之境入於趙輸於秦事皆最後其初為燕地固已久矣故唐李吉甫十道志曰瀛州河間郡禹貢冀州之域春秋時屬燕國秦并天下為河間郡斯其確証也

疆域

邑境於郡屬最廓河間任邱皆不能及豈以昔建為州故然與

東西廣百六十里南北袤七十里

東界天津府滄州九十五里至州治百五十里東南界交河縣三十里至縣治五十里

南界交河縣四十里至縣治六十五里西南界深州武強縣四十里至縣治六十里

西界深州饒陽縣四十里至縣治七十里西北界肅寧縣五十里至縣治七十里

北界河間縣三十五里東北界天津府青縣百一十里至縣治百五十里

郡城直北六十里

京師東北四百八十里

形勝

元史水陸要衝四方供應皆取給焉 按郡志金元諸路濱河之城皆置倉以貯旁郡之稅恩景清獻深五州皆置倉處也

明志滹沱繞其前高滙匯其左南為七省之咽喉北為神京之屏翰美哉三輔之雄也 按滙河一名唐河舊出河間縣今他徙

通志完固口在縣西南明建文中燕王渡此擊敗盛庸軍

又淮鎮在縣東四十里金史地理志曰槐家鎮方輿紀要土人呼為淮鎮當東西孔道為滹沱所經獻交毗界處也明嘉靖三十年築城今圯

獻邑三面皆河舟楫交會南單家橋北臧家橋西賈莊橋明知縣都文奎為守禦計設四大鎮南即單橋北商家林東淮鎮西大章雖河路窄狹臨流扼要亦足自固 周顯德中置高陽閘於河間後名關與雄州瓦橋霸州益津並號稱三關今獻邑正當宋關南地也

山川

萬春山 在縣直東十五里多桃林方春花茂爛如霞綺其上有藥

王神祠

雲臺山 在縣東南十五里

白草山 在縣東北十八里上有天齊神祠

九蓮山 在縣東南十里上有三大士庵

按邑本無山所名諸山。堯然大堙而已。使置諸正定以西。大行之麓。

崇岡疊阜間落。無足比數矣。惟以無山之故。若僅而得之。遂以名

邑建侯。按縣有建成山。今莫詳其處。或曰雲臺諸山。皆今稱建成。當

許廢城。即是其中。意或然與。梁壽崖在縣西南十里。或云縣西一里

舊有亭。今圮。稱諸史冊。幾與封望埒焉。予嘗南入黔滇。地多山而寡

水。一帶之流。數里之陂。至以江海名之。臨深以為高。物少斯貴。其亦

有天幸與。

滹沱河

漢書地理志以為即徒駭又名胡盧河發源山西太原繁峙縣山海經曰秦嶷之山滹沱出焉秦嶷元和志一名武夫禮記晉人將有事於河必先有事於惡池滹沱注即是也歷代亭忻定襄五臺孟入直隸平山靈壽過正定城南經藁城晉州東鹿冀州會滏陽河過衡水武邑武強入縣境谷沙村至完固口分而為二一南由單家橋經淮鎮高官入交河界過高川杜林鎮至青縣鮑家嘴入衛河達於海一北由臧家橋至鄧家馬坊入河間沙河橋過大城為子牙河滙三角淀至天津入於海康熙二十年後河勢趨北五十年漸全歸北道雍正年間南流遂涸

又攷滹沱之水本非鉅川其自元明為害畿輔者有所挾而然也元初自平山與治河合其勢頓猛延祐七年嘗引而分之未幾復合遂終元明之世古道出深澤高陽境漢書注滹沱經深澤東南寔字記